

তোমাকে দেখলাম
মোঃ আবদুল খালেক

তোমাকে দেখলাম-
শান্তিতে জড়ানো একখানা মেঘের নীচে
হৃদয়হীন কায়ায়, স্বপ্নবিহীন ঘুমে,

তোমাকে দেখলাম-
চারদিকে সুরেলা কান্নাভেজা বাতাসের মাঝে,
দৃষ্টি এড়ানো অচেনা পলকহীন চোখে।

অমিমাংসিত গন্তব্যে এক পানসি নৌকাপালে,
কপালে লোবান সুগন্ধি শিশির পানি,
তোমার শরীরে উপচে পড়ছে
নিষ্কলুষ ভালবাসা ছোঁয়া বিদায় প্রতিদান।
সালতামামি ডান হাতের মুঠোয়
লম্বিত প্রহর গুছিয়ে আঁচলে-
অমৃত সুধায়ে সাজায়ে জীবন,
দৃষ্টি নন্দন, খেয়ালী নিহারিকার এক গৃহবাসে।

তোমাকে দেখলাম-
শেষ দিনের বিকালে
খেয়া পাড়ানোর সাক্ষ্য খেয়ালে,
নিরবে ফেলে পিছে ডাকার সাড়া।
তোমাকে দেখলাম-
সাজিয়ে উথাল পাতাল বিষণ্ণতা
হৃদয়ের নিঃস্রুম কারাগারে,
মাথায় রেখে করুণা ভরা
তোমার শেষ হাতের ছোঁয়া ,
নৈঃশব্দ ঢেউ এর সমুদ্র চোখে।

৯/১/০৭